


Chlamydia

Chlamydia trachomatis

(Chlamydia Chlamydia trachomatis)



Kab Mob Kas Cees Paug Cuav yog sexually transmitted disease (kab mob sib kis los ntawm kev sib deev) (STD) tshwm sim los ntawm kab mob npev taws lias thiab tuaj yeem kho tau. Nws yog tus kab mob uas tau tshaj tawm ntau tshaj nyob rau hauv Wisconsin. Cov tib neeg muaj tus Kab Mob Kas Cees Paug Cuav yam tsis muaj cov tsos mob mus ntau lub hli yog tias tsis tau txais kev kho. Cov poj niam tuaj yeem muaj kev puas tsuaj rau cov roj ntshav tsim tub ki. Cov txiv neej thiab poj niam tuaj yeem kis tau tus Kab Mob Kas Cees Paug Cuav rau lawv cov khub pw ua ke. Koj tuaj yeem kis tau tus kab mob kas cees paug cuav ib zaug ntxiv tab txawm tias tom qab kev kho mob thiab tus kab mob kas cees paug cuav tuaj yeem nce ntxiv kev phom sij rau koj uas yuav tau txais kab mob HIV.



Tus kab mob ntawd tuaj yeem sib kis tau li cas thiab leej twg tuaj yeem kis tau tus Kab Mob Kas Cees Paug Cuav?

- ▶ Kab Mob Kas Cees Paug Cuav yog sib kis los ntawm kev sib daj sib deev ntawm qhov chaw mos, qhov quav, thiab/los sis qhov ncauj nrog rau qee tus neeg uas muaj tus kab mob ntawd. Cov me nyuam mos tuaj yeem kis tau tus Kab Mob Kas Cees Paug Cuav ncau sij hawm yug yog tias leej niam twb yeej muaj tus kab mob ntawd lawm.
- ▶ Yog tias koj muaj kev sib deev, ces koj tuaj yeem kis tau tus Kab Mob Kas Cees Paug Cuav; txawm li cas los xij, muaj coob pawg tib neeg uas nquag kis tau tus Kab Mob Kas Cees Paug Cuav:
 - Cov tib neeg hluas uas muaj kev sib deev.
 - Yog tias koj los sis koj tus khub pw ua ke muaj **tus kab mob** STD, ces koj kuj tuaj yeem kis tau tus kab mob kas cees paug cuav thiab.
 - Yog tias koj muaj tus khub pw ua ke ntau tshaj ib tug thiab/los sis tus khub pw ua ke tshiab.



Cov yam ntxwv mob thiab cov tsos mob yog dab tsi?

- ▶ Cov tib neeg feem coob TSIS MUAJ cov tsos mob thaum lawv muaj tus Kab Mob Kas Cees Paug Cuav, tab sis yuav pom thaum lawv txais sim mus kuaj xyuas.
- ▶ Cov txiv neej thiab poj niam yuav hnov tau tias kub lug thaum tso zis. Tej zaum poj niam kuj muaj qhov coj khaub ncaws dawb thiab/los sis hnov tau tias lawv dim zis tas li. Yog tias koj muaj cov tsos mob no yog keev muaj li ib txwm 1-2 lim tiam tom qab muaj kev sib deev nrog lwm tus uas muaj tus Kab Mob Kas Cees Paug Cuav.



Cov hauv kev kuaj thiab kev kho mob yog dab tsi?

- ▶ Koj tuaj yeem mus kuaj tus Kab Mob Kas Cees Paug Cuav tau nyob rau ntawm tus kws kho mob lub chaw ua hauj lwm, lub tsev kuaj mob kev npaj yim neej, los sis lub tsev kuaj mob tus kab mob STD. Kev mus kuaj thiab mus kho mob thaum tseem ntxov tuaj yeem pov thaiv tau cov teeb meem loj thiab cheem tau kev kis tus kab mob kas cees paug cuav. Yog tias koj muaj tus Kab Mob Kas Cees Paug Cuav, ces qhia koj cov khub pw ua ke tsis ntev los no nyob rau peb lub hli dhaub los kom mus kuaj THIAB kho. Tej zaum lawv yuav tsis muaj cov tsos mob tab sis kuj tseem muaj tus Kab Mob Kas Cees Paug Cuav. Yog tias koj muaj kev pw ua ke nrog ib tug khub, ces koj tuaj yeem kis tau tus kab mob ib zaug ntxiv tshwj tsis yog tias lawv tau mus kuaj thiab kho.
- ▶ Koj tuaj yeem mus kho mob uas siv qhov tshuaj doxycycline xya hnuv los sis siv qhov tshuaj azithromycin ib zaug. Cov poj niam uas tsis tau txais kev kho yuav ua rau mob pelvic inflammatory disease (kab mob hauv tsev me nyuam) (PID) qhov uas yuav mob heev li. PID tuaj yeem tsim ua rau nyuaj uas yuav muaj taus me nyuam thiab tsim ua rau muaj qhov nqaij cawv pliaj uas tuaj yeem tsim ua rau xeeb me nyuam nyob sab nrauv tsev me nyuam. Nyob rau hauv tus txiv neej, nws tuaj yeem tsim ua rau muaj mob nyob rau hauv ob lub noob qes thiab ua rau tsis muaj me nyuam.



Kuv tuaj yeem pov thaiv kev kis tus Kab Mob Kas Cees Paug Cuav tau li cas?

- ▶ Muaj ntau cov hauv kev los pov thaiv kev kis tus kab mob kas cees paug cuav thiab nws yog qhov yooj yim zoo ib yam li **ABC**:
 - Kev zam kev muaj kev sib deev kom txog thaum koj hnov tau tias npaj txhij yuav los pov thaiv koj tus kheej tso. Piv txwv; Yog ib tug los sis muaj kev sib deev nrog ib tug neeg uas muaj kev sib deev nrog koj nkaus xwb thiab tsis muaj tus kab mob STD. Koj tuaj yeem nrhiav seb neb puas muaj tus kab mob STD zoo li tus kab mob kas cees paug cuav los ntawm kev mus kuaj ua ke.
 - Cov nab looj pov thaiv tuaj yeem pov thaiv tau koj los ntawm kev kis tus kab mob kas cees paug cuav tab sis tsuas yog qhov chaw uas lawv npog nkaus xwb. Yog tias koj tsis siv cov nab looj pov thaiv ntawd rau kev sib deev, ces koj yeej tuaj yeem kis tau tus kab mob kas cees paug cuav thiab.

P-42036H (02/2023)

Cov lus qhia nyob rau hauv phau ntawv qhia txog qhov tseeb no raug tsim kho raws li Wis. Stat. ch. 252 thiab Wis. Admin. Code ch. DHS 145.

BUREAU OF COMMUNICABLE DISEASES

<https://www.dhs.wisconsin.gov/std/index.htm> | dhsdphbcd@dhs.wi.gov

Wisconsin Department of Health Services | Division of Public Health

